



Skýrsla um samráð

Efni samráðs

Stefna um notkun skýjalausna

Samráð hófst

24. ágúst 2021

Samráði lauk

9. september 2021

Fjöldi umsagna

5

Umsagnaraðilar

Samband íslenskra sveitarfélaga, Samtök iðnaðarins, Þjóðskjalasafn Íslands, Vignir Bjarnason og Verkfræðingafélag Íslands.

Samantekt um umsagnir og viðbrögð

Þjóðskjalasafn bendir réttilega á mikilvægi þess að skýjaþjónustur geri afhendingarskyldum aðilum auðveldara að skila gögnum til safnsins.

Vignir Bjarnason bendir á að huga þurfi vandlega að erlendum skýjalausnum fyrir íslenskan markað, einkum ef til sambandsrofs við útlönd komi til. Verkfræðingafélag Íslands benti á sama atriði.

Samtök iðnaðarins ítrekuðu mikilvægi þess að hið opinbera kaupi staðlaðar lausnir á markaði og í þeim tilfellum sem þróa þurfi viðbótarlausnir að einkaaðilar verði fengnir til verksins. Verkfræðingafélag Íslands benti á sama atriði.

Samband íslenskra sveitarfélaga (Sambandið) benti á nauðsyn samráðs við sambandið þegar rætt er um hið opinbera en ekki einungis ríkið.

Fjármála- og efnahagsráðuneytið tekur heilshugar undir ábendingar Sambandsins og Þjóðskjalasafns og hefur nú þegar brugðist við þeim. Þegar kemur að erlendum skýjalausnum, lögsögu þeirra og aðgengi að gögnum að þá er skýrt tekið á því í stefnunni að skoða þurfi þessi atriði í áhættumati við val á lausnum. Varðandi kaup hins opinbera á stöðluðum lausnum má hið sama segja. Stefnan hvetur til kaupa á stöðluðum lausnum og að verslað sé við trausta þjónustuaðila.

Ráðuneytið telur ekki þörf á efnislegum breytingum stefnunnar í kjölfar samráðs en einstaka orðalagi var breytt til að skerpa á áherslum í textanum.